



Sarajevo, 16.05.2025.

**PREDSTAVNIČKI DOM
PARLAMENTARNE SKUPŠTINE
BOSNE I HERCEGOVINE**
n/r predsjedavajućeg

**BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO**

PRIMLJENO: 16-05-2025			
Organizaciona jedinica	Klasifikaciona oznaka	Nadni broj	Broj priloga
01-	50-1-	1155/25	

U skladu s članom 166. i 170. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“ br. 79/14, 81/15 i 97/15, 78/19, 26/20, 53/22, 59/23, 87/23, 50/24 i 73/24), postavljam sljedeća

POSLANIČKA PITANJA

1. *Ko je bio odgovoran za rad Graničnog prelaza Bosanski Brod dana 10.05.2025. godine u navedeno vrijeme?*
2. *Ko je obavljao dužnost šefa smjene dana 10.05.2025. godine u predmetno vrijeme?*
3. *Ko su osobe koje su se nalazile u navedenom vozilu i da li su imale službenu najavu?*
4. *Zahtijevam da mi se dostavi snimak video-nadzora s obje strane Graničnog prelaza Bosanski Brod (iz pravca Republike Hrvatske, kao i iz pravca Bosne i Hercegovine).*

Obrazloženje:

Dana 10.05.2025. godine, na Graničnom prelazu Bosanski Brod, u 11:39 časova, iz pravca Republike Hrvatske, vozilo marke Opel, bordo boje, u kojem su se nalazile dvije mlade ženske osobe, zaobišlo je (u preticanju) dugu kolonu vozila i prošlo granični prelaz na strani „izlaza iz Bosne i Hercegovine“. Vozilo je ušlo u BiH bez ikakve kontrole, kratko se zaustavilo i uslijedio je srdačan pozdrav s osobom u uniformi Granične policije BiH, koja je na neko vrijeme zaustavila saobraćaj iz pravca BiH kako bi navedeno vozilo nesmetano preteklo kolonu i ušlo u zemlju. Lično sam svjedočila ovom događaju, s obzirom na to da sam bila prva u nizu zaustavljenih vozila iz pravca BiH.

Prilikom izlaska iz BiH, na šalteru Granične policije, tražila sam informaciju o tome ko su osobe koje su ušle u zemlju, zašto niko nije izvršio provjeru njihovih dokumenata, da li su imale službenu najavu, koji je bio razlog preticanja kolone vozila, te ko je osoba koja je zaustavila saobraćaj na izlazu iz BiH. Jedini odgovor zaposlenika bio je da ništa ne zna, da bi o tome trebalo razgovarati sa šefom smjene, te da on prati isključivo izlaske iz BiH, dok je neko drugi zadužen za ulaske. S obzirom na to da smo u posljednje vrijeme svjedoci slučajeva gdje osobe s potjernica nesmetano prelaze granice naše zemlje, a lično sam svjedočila gore opisanom događaju, hitno tražim dostavu traženih informacija.

Pitanje postavljam direktoru Granične policije Bosne i Hercegovine.

Odgovor tražim u pisanoj formi, u skladu s članom 171. Poslovnika Predstavničkog doma Parlamentarne skupštine BiH.

Poslanica SDP BiH
Ermina Salčić Dizdarević